

Donatori prikupili 15,7 milijuna Eura za Vijeće za ratne zločine pri Državnom sudu BiH

“Tako će Bosna i Hercegovina (BiH) dobiti instituciju neophodnu za krivično gonjenje pojedinaca optuženih za ratne zločine u BiH tijekom rata od 1992. do 1995. godine. Međutim, ova institucija će uspješno raditi samo ako dobije odgovarajuću financijsku potporu i današnja konferencija je utoliko značajna kako bi se osiguralo da osobe odgovorne za ratne zločine budu izvedene pred lice pravde. Ured visokog predstavnika (OHR) će podržati samo onaj proces koji ima odgovarajuću financijsku potporu”, rekao je ambasador Bernard Fassier na jučerašnjoj donatorskoj konferenciji, čiji je domaćin bio Međunarodni krivični sud za bivšu Jugoslaviju (MKSJ). Ambasador Fassier predvodi napore više međunarodnih institucija da se osigura potpora razvoju vladavine prava u BiH.

Ured visokog predstavnika i MKSJ pozdravili su velikodušnost donatora i potvrdili da obećanom svotom mogu zadovoljiti potrebe za prve dvije godine.

U studenom 2002. godine, visoki predstavnik Paddy Ashdown i bivši predsjednik MKSJ-a sudija Claude Jorda započeli su razgovore o razvijanju kapaciteta BiH za procesuiranje ratnih zločina pred domaćim sudovima. Tada su se složili da je uspješno procesuiranje ratnih zločina u BiH ključna komponenta za provođenje pravde, unapređenje pomirenja među zajednicama u BiH, kao i omogućavanje da obitelji oko 250.000 žrtava rata barem donekle prebole gubitak.

“U kolovozu ove godine, Vijeće sigurnosti Ujedinjenih nacija je Rezolucijom br. 1503 snažno podržalo osnivanje Vijeća za ratne zločine u okviru Državnog suda Bosne i Hercegovine kao bitnog preduvjeta za strategiju ostvarenja mandata MKSJ-a”, rekao je predsjednik MKSJ-a sudija Theodor Meron. “U tom smislu, danas smo napravili veliki korak naprijed.”

Ukoliko specijalizirano Vijeće za ratne zločine dobije dovoljno sredstava, očekuje se da će početi sa radom krajem sljedeće godine, i da će se na njega vremenom prenijeti neki od predmeta sa MKSJ-a.

Donatorima je predstavljen detaljni organizacioni plan i institucionalni proračun, kojim su početni troškovi za prve dvije godine rada specijaliziranog vijeća procijenjeni na 17,2 milijuna eura. Za narednih tri do pet godina biće potrebno dodatnih 20,7 miliona eura. Ovaj plan, detaljno razrađen u veljači ove godine, rezultat je konzultacija između pravosudnih i vladinih tijela BiH, OHR-a, MKSJ-a i drugih međunarodnih organizacija koje su nayočne na teritoriju BiH. Bosnu i Hercegovinu je predstavljao njen veleposlanik u Nizozemskoj Nj.E. Željko Jerkić.

Prijedlozi koji su iznijeti u Hagu odnose se na specijalizirano Vijeće za ratne zločine u okviru Državnog suda BiH, Odjel za ratne zločine u sastavu Državnog tužilaštva BiH i renoviranje objekata sa potrebnim mjerama obezbjeđenja i sigurnosti, kao i objekata za pritvor. Morat će se osigurati i program za zaštitu svjedoka, te uvećati kapacitet za vođenje istraga.

Osuвременjeni krivični zakon BiH, koji je stupio na snagu početkom godine, daje Državnom sudu BiH nadležnost nad svim predmetima koji se tiču ozbiljnih krivičnih djela, uključujući i ratne zločine. Specijalizirano Vijeće za ratne zločine će privremeno biti ojačano komponentom međunarodnih sudija i tužilaca, i to u prijelaznom periodu do pet godina. Tijekom ovog početnog razdoblja specijalizirano Vijeće će raditi u bliskoj suradnji sa MKSJ-om, a nakon toga će nastaviti da procesuirati ratne

zločine u BiH.

Jučerašnju konferenciju je organizovao OHR, a podržao MKSJ. Konferenciji su sudjelovali članovi Upravnog odbora Vijeća za provedbu mira, zemlje članice Europske unije, zemlje koje se pridružuju Europskoj Uniji, kao i druge europske zemlje.

Spisak donatora i iznos koji su dali se, na zahtjev, mogu dobiti od OHR-a i Službe za informisanje javnosti MKSJ-a.